

Kapitali 5. MEEQQANIK AKIUUSSUSIISARNEQ

Nalunaarutigineqartartut ingerlaavartuusarput, sulisorisalli nikeraernerujussuisa kinguneraat, nalunaarutigineqartartuni sanilliussisarnerit ajorluinnartut. Qarasaasiakkut napparsimasut allattorneqartarneri nunap immikkoortuini tamani ingerlanneqalerput, 2009-mili atuutilersitsineq suli kisitsisitigut paasissutissiisarnermi pissarsiniartarnernut pitsaanerumik tunngaviliinermik kinguneqarsimangnilaq. Tamatumunnga peqqutaaavoq, akiuussisiisarnernik Æskulapimi nalunaarsuisarnerit assigiinngitsorujussuarmik pisarnerat, sumiiffiillu ilaanni nalunaarsuutit allattugaannaasarmata, taakkunangna paasissutissat kisitsisitigut paasissutissiivimmiiut pissarsiarineqarsinnaasanngimmata.

Taamatuttaaq pissutsit arlallit equmaffigineqartariaqartarput, akiuussisiisarnermi naatsorsuutit suliarineqarnerannut atatillugu sianiginiarneqartariaqartut:

- Nunap immikkoortuini amerlasuuni akiuussusiisarnerit annikitsuunerat.
- Innutaasut nuttartarnerat inuit qanoq amerlatiginerinik nalornilersitsisarmat, innutaasullu amerlassusaat agguaqatigiissitsinermeersut atorneqartarmata, innutaasut amerlassusivii atuutsinneqartaratik.
- 2009-mut paasissutissat inuit kinaassusii naapertorlugit nalunartarnerat, taamaattumik nalunaarsuutit naatsorsorneqartarnissaat periarfissaqartarani.
- Sulisorisat nikeraannerat peqqutigalugu nalunaarutigineqartut nalorninartoqartarnerat.
- Sumiiffinni arlalinni akiuussusiisarnerit ataatsikkoortillugit ingerlanneqartarput, taamaalilluni meeqqat qanoq ukioqassusiisa kisitsisitigut paasissutissatigoortumik amerlanerit/ikinnerusut nalunaarutigineqartarnerat.

Paasissutissat nalunaarutigineqartut naapertorlugit meeqqat akiuussuserneqartarneranni paasissutissat takussuserneqarnissaat suliarineqarput. Agguaqatigiissillugu akiuussusiisarnerup annertussusianut takussutissiamik ataatsimoortitamik kiisalu nunap immikkoortuinut agguataakkamik akiuussusiinerit tamarmiusut titartagartaannik takussutissiartaannillu suliaqartoqarpooq.

Naatsorsuinerni Naatsorsueqqissaartarfimmiit 1. januar 2009 aallarnerfigalugu innutaasut pillugit paasissutissat ukioqatigiaanut tamanut atuuttut naapertorlugit atorneqarput, BCG-mut akiuussusiisarnerit amerlassusii ilanngunnagit. BCG-mik akiuussusiisarneq pingaartumik inunngornermiit atuutsinneqartarnissa kaammattutigineqartarmat, 2009-mi meerartaartup kommunerisaaniit inunngortut amerlassusaat eqqoqqissaartut atuutsinneqartarput. Taamaalilluni qularnaatsumik naatsorsuutit ikinnerpaaffissaat anguneqartapoq. Tamaatuma saniatigut BCG-mik akiuussusiisarnerit nalunaarsorneqartarput, inorlutik inunngortunut angerlartiaareneqartunut imaluunniit inoorlaanut nappaatilinnut akiuussusiisimanerit. Akiuussusiinerit taakkua naatsorsuutini makkunani ilanngunneqanngillat.

Nuna tamakkerlugu 2009-mi akiuussusiinerit agguaqatigiissillugu naammagisimaarnartumik 80 %-it sinnersimavai. BCG-mik akiuussusiinerit 93 %-iupput, taakkualu ikinnerpaaffittut kisitsisaapput, angerlartitaareernermimi akiuussusiinerit ilanngunneqanngimmata. Naalungiarsunnut pingasuniit tallimat tikillugit qaammatilinnut qarngup iluatigut nappaammut, noqartoartarnermut, nualluttarnermut, nukillaartarnermut nualluummulu Di-Te-Ki-Pol-Hib 1-2-mut akiuussusiinerit 90 %-it sinnersimavai. Di-Te-Ki-Pol-Hib-mut akiuussusiineriot 85 %-iupput Di-Te-Ki-Pol-Hib-mullu tallimanik ukioqalernermi akiuussuseeqqinnerit 63 %-inut ikileriarsimallutik.

MFR 1 aamma MFR 2-mik akiuussusiisarnerit agguaqatigiissillugu naammaginartumik 80 %-it sinnersimavia, nunallu immikkoortuisa akornanni annertuumik nikeraateqarlutik, pingaartumik MFR 2 eqqarsaatigalugu. Taamaalilluni nunat immikkoortuisa ilaat MFR 2-mut akiuussusiinerit ikittunnguit nalunaarutigaat, paarlattuanik nunap immikkoortui allat meeqqanut pingasunniuk ukiulinnut akiuussusiisimallutik. Tamanna nassuaaserneqarsinnaagunarpooq, aammaarluni HPV-mik akiuussusiinerni ukiup siulianiit amigartumik akiuussusiinerut nalunaarsuutit amigaatigineqarsimanerat. Assersuutigalugu 2008-mi Qaqortumi Qasigiannguanilu aqqaneq-marlunniik ukiulinnut akiuussusiisoqarsimangnilaq. Paarlattuanik Nuummi, Ilulissani Illoqqortoormiinilu 2008-mi marlunniit pingasut tungaannut ukiulinnut naapertuutumik akiuussusiisimapput, nunallu immikkoortui taakkua 2009-mi kisitsisaat qaffasissuunngillat. Nunap immikkoortuini Paamiuni, Qeqertarsuarmi Uummannamilu 2009-mi aqqaneq-marluk inorlugit ukiullit MFR 2-mut akiuussuserneqartut 20 %-it sinninngilaat, nunallu immikkoortui taakkua aammattaaq 2008-mi taamaassimallutik. Tamanna akuersaardeqarsinnaanngitsumik appasippallaqaqaq.

December 2008-mi niviarsiaqqanut aqqaneq-marlunniik ukiulinnut illissap paavatigut kræfteqalernissamut akiuussuserneqartalerput (Human Papilloma Virus – HPV), 2009-milu aqqaneq marlunniik ukiullit saniatigut ukioqatigiaanut pingasuusunut aningaasanik immikkoortitsisoqarluni. Tamatuma kinguneraa, nunap immikkoortuisa ilaanni niviarsiaqqat ukioqatigiaat sisamat akiuussusigaasimanerat. 2009-p ikaarsaariarfiunera pissutigalugu akiuussusulinermut naatsorsukkat ukiumoortumik nalunaarummut matumunnga ilanngunne-


qanngillat. Nunatta Nakorsaaneqarfialti erseqqissaatigissavaa, nunap immikkoortuisa ilaasa HPV-mut akiuussusiisarneq suli aallartissimangimmassuk, nunallu immikkoortuisa ilaat aappassaanik pingajussaanillu akiuussusiisarnissat amigaatigalugu.

2011/2012-imiit Æskulapimi assigiissaartumik tatinartumillu nalunaarsuisalernissaq aallartinneqassaaq, taamaalluni siunissami nalunaarsukkat kinaassusersiilluni nalunaarsuiffimmuit piissarsiarineqarsinnaann-gorniassammata.

Ataatsimut nalilerlugu Nunatsinni Nakorsaaneqarfip naliliineraa, Kalaallit Nunaanni meeraaqqanik akiuussusiisarnerit naammagisimaarnartuuusut. Kisitsisit paasinarsisippaat, WHO-p Unicefillu anguniagai Kalaallit Nunaata eqquutsikkai (meeqqat 90 %-ii tunillanneqarsinnaajunnaarnissaat, nunallu immikkoortuini tamani 80 %-it sinneqartut akiuussuserneqarsimancerat).


Takussutissiaq 14		Kalaallit Nunaanni akiuussusiinissamut pilersarut (2009)
Ukioqassuseq		Akiuussusiinerit
Inoorlaat		Tuberkulose (BCG)
Qaammatit pingasut		Di-Te-Ki-Pol-Hib 1
Qaammatit tallimat		Di-Te-Ki-Pol-Hib 2
Ukioq ataaseq		Di-Te-Ki-Pol-Hib 3
Qaammatit 15-it		MFR 1
Ukiut tallimat		Di-Te-Ki-Pol-immi akiuussuseeqqinneq
Ukioq ataaseq		MFR 2 HPV 1 (niviarsiaqqat) (ukioqanngitsut) HPV 2 (niviarsiaqqat) (qaammatit marluk) HPV 3 (niviarsiaqqat) (qaammatit arfinillit)
> 18-it sinnerlugit		Rubella (aappaluararneq)

2009-imi meeqyanut akiuussusiisarnerit, nuna tamakkerglugu agguaqatigiissitsineq %-inngorlugu




Titartagaq 8

Nunap immikkoortuinut agguataarlugit akiuussusiinerit takussuserneqarneri




Titartagaq 9




Titartagaq 10

**2009-imi Di-Te-Ki-Pol-Hib 2-imik akiuussusiineq
ukioqatigiaanni 1.000-iugaangata amerlassusaannut
agguaqatigiissillugit**




Titartagaq 11

**2009-imi Di-Te-Ki-Pol-Hib 3-imik akiuussusiineq
ukioqatigiaanni 1.000-iugaangata amerlassusaannut
agguaqatigiissillugit**




Titartagaq 12

**2009-imik MFR1-imik akiuussusiineq ukioqatigiaanni
1.000-iugaangata amerlassusaannut
agguaqatigiissillugit**




Titartagaq 13

**2009-imik Di-Te-Ki-Pol akiuussuseeqqiineq
ukioqatigiaanni 1.000-iugaangata amerlassusaannut
agguaqatigiissillugit**



Titartagaq 14

**2009-imik MFR 2-imik akiuussusiineq ukioqatigianni
1.000-iugaangata amerlassusaannut
agguaqatigiissillugit**



Titartagaq 15